


लईका मन बर बाईबिल
प्रस्तुत करत हवे।

यीशु, के द्वारा अंधवा मन
ला चंगई मिलिस



लिखे गए हवे। : Edward Hughes
उत्साह बढ़ाए गए हवे। : Alastair Paterson;
Janie Forest
चयन करे गए हवे। : Ruth Klassen
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.


लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



बरती माई यरीहो के लकठा म डहर के तीर म एक झन अंधवा हा बइठे रिहिस। वो हा भीख मांगत रिहिस। जब दयालु मनखे मन ओती अंग ला गुजरथे ता वोला एक ठन सिक्का या जेवन के कुछु टूकड़ा ला दे दे करथे। बरती माई हा बुता नि करे सकत रिहिस, काबर की वो हर एक अंधवा रिहिस। वो हर खाली भी केच मांग सकत रिहिस।



एक दिन, राज डहर हा बनेच भीड़ रिहिस। बरती माई हा बनेच गोठ
के साोर ला सुनिस। कुछु वो बड़िहा होथे, झटके वो अंधवा आदमी हा
जान दारिस की ऊँहा का होथे। नासरत के यीशु, हा शहर म रिहिस।
भीड़ के भीड़ हा जीशु ला देखे बर अऊ बोला सुने बर जुर गिन।



बरती माइ हा काबर दोहाई दिस ? "यीशु, दाऊद के सनतान, मोर ऊपर दया कर।" वो हर काबर सोचिस की यीशु वोकर मदद कर

सकत हे ? सायद की वोहा सुने रिहिस, कि

कईसे जीशु हा दुसर मन ला चंगा करे

रिहिस। ओ करा, कुछु अंधवा—कुछु

लंगड़ा, कुछु कौंदा अऊ कुछु भइरा


भी रिहिन, जिसने वोहर रिहिस।

"दाऊद के सनतान, मोर ऊपर दया

कर," बरती माई हा फिर कस के

रिसाईस। वो कर आवाज हा


आशा के संग म गुँजत रिहिस।






बरती माई ला एकठन गोठ
के ऊपर बनेच भरोसा
रिहिस, अगर ओला अभी
मदद नि मिलही, ता ओला
अऊ मउका कभू नि मिल
सके। साइद यीशु, हा वो
डहर म कभू नि आतिस।






बरती माई ला
जीशुके लकठा म
पहुँचे बर रिहिस।
लेकिन मनखेमन
नि हटत रिहिन।
“अस्स्स्स्स् !” वो
मन कहिन, अऊ
ओला सांत रहे
बर चेताईस ।








लेकिन बरतीमाई हा चुप चाप नि रिहिस।
वोहा अऊ जोर ले नरियात रिहिस।
अचानक जीशु हा रूक गिस। सुनिस!
अऊ अंधवा आदमी ला वोकर करा लाय
बर आदेश दिस! मनखे मन
बरतीमाई ला बताईस,
"खुस रिहा" उठा,
वोहा तुमन ला
बुलाथ हे।




अपन ओन्हा ला एक अंगत फेंक के, बरतीमाई हा उठीस अऊ यीशु
के तीर म आईस।




यीशु हा पुछिस, "मोर से का चाहत हस कि मेहा तोर बर करो ?" तुमन के जुआब हा कइसे होही ? का तुमन बड़ पइसा या बड़िहा नावा ओनहा मांगीहा ? बरतीमाई हर का चाहत रिहिस ?




निही, अंधवा बरतीमाइ' हा सोना या ओनहा
जीशु ला नि मांगीस । आप मन अपनेच
जानथ हा की वो हर का
मांगे बर चाहत
रिहिस ।



परभु मोला मोर "अपन अंजोर दे दे" बरतीमाई हा देखे बर
चाहत रिहिस। वो हर रूख अऊ चिराई अऊ भगवान के बनाय
सबो सुग्घरता ला देखे बर चाहत रिहिस। वो हर एकर बर
देखना चाहत रिहिस, की वो हर अपन के देख-रेख कर सके
अऊ भिखमंगा झन रहे।



तब जीशु हा बरतीमाई ला कहिस, "अपन अंजोर ला पा तोर बिसवास हा तोला चंगा करिसे।"



झटके के वो हर अपन
अंजोर ला पराप्त करिस,
अऊ जीशु के पिछु म
हो गिस। वो हर
कहत रिहिस कि
“भगवान हा
अद्भूत होईस।
वोहर मोला चंगा
करिस हे” ये हर
बरतीमाई बर एकठन
अद्भूत बेरा रिहिस।



सब मनखेमन, जब ऐला
देखिन, ता भगवान के स्तुति
करिन। एक बार फेर ओमन
भगवान के बेटा के अद्भुत
शक्ति ला देखे रिहिन।
जीशु हा एक झन गरीब
अंधवा ला अंजोर दे रिहिस।



यीशु, के द्वारा अंधवा मन ला चंगाई मिलिस

इ कथा हर भगवान के बचन के द्वारा एक ठी बाईबिल


पाए जाथे ।

मरकुस 10, लुका 18, 9 युहन्ना

"आप मन कर बानी हर एला अंजोर देथे ।"

भजन संहिता 119 : 130





समाप्त ।

50

60



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

